

Allannguutissatut siunnersuut

uunga

**Uunga siunnersuut: Uumasut nappaataannik inunnut tunillaassorsinnaasunik taakkulu
akuinik siaruaassinnaasunik akiuiniarneq pillugu Inatsisartut inatsisaat nr. xx, xx 2016-
imeersoq.**

Pingajussaarinninnissamut Naalakkersuisunit saqqummiunneqartoq.

§ 3-mut

1. § 3 ima oqaasertalerneqassaaq:

”§ 3. Uumasunut Nakorsaqnarnermut Inuussutissalerinermullu Oqartussat piginnaatitaasutut
oqartussatut inatsimmik aqutsisuupput, kiisalu inatsimmi pineqartunik nakkutilliisuullutik.

Imm. 2. Uumasunut Nakorsaqnarnermut Inuussutissalerinermullu Oqartussaqarfiiup akisus-
saaffigai:

- 1) uumasut nappaataannik inunnut tunillaassorsinnaasunik taakkulu akiuinik siaruaassinnaasun-
nik akiuiniarnermut pilersaarusiornissaq,
- 2) paasissutissanik nuna tamakkerlugu akiuiniarnissamut pilersaarutinut atatillugu inernernik
naliliinissamut pisariaqartinneqartunik katersinissaq,
- 3) uumasut nappaataat inunnut tunillaassorsinnaasut pillugit inatsisip eqqortinnissaanut nak-
kutiginninnissaq siunertaralugu Kalaallit Nunaanni suliffeqarfiiut inuussutissalerisut tunisassia-
nik uumasuneersunik tuniniaanissamik akuerineqarsimasut akuttunngitsumik misissuiffigisar-
nissaat, aamma
- 4) uumasut nappaataat inunnut tunillaassorsinnaasut taakkulu akiuinik siaruaassinnaasunik
akiuiniarnissaq siunertaralugu uumasunik uumasuutinillu pingaarnertut tunisassianik akut-
tunngitsumik misissuisarnissaq.

Imm. 3. Suliffeqarfiiut inuussutissalerisut pingarnerusumillu uumasunit tunisassior-
tut Uumasunut Nakorsaqnarnermut Inuussutissalerinermullu Oqartussaqarfiiup qinnuiginninnerati-
gut suliaminnik naammassinnittarnerannut pingaarutilinnik paasissutissanik tamanik § 3,
imm. 2, nr. 2-mi aalajangersarneqartunik tunniussisassapput.”

§ 8-mut

2. § 8, imm. 1 ima oqaasertalerneqassaaq:

”Suliffeqarfinni inuussutissaleriffiusuni, uumasunik pingaarnertut tunisassiorerni, uumasuu-
tini kiisalu piniagassani uumasut nappaataannik inunnut tunillaassorsinnaasunik taakkulu

akuinik siaruaassinjaasunik annikillisaanissaq anguniarlugu akiuniarnissamut periutsinik immikkut ittunik Naalakkersuisut aalajangiisinjaapput.”

§ 9-mut

3. § 9 ima oqaasertalerneqassaaq:

”§ 9. Uumasunut Nakorsaqnarnermut Inuussutissalerinermullu Oqartussaqarfik uumasut nap-paataasa inunnut tunillaassorsinjaasut taakkulu akuisa siaruaassinjaasut killilersimaarneqarnissaat imaluunniit siaruatsaaliorneqarnissaat anguniarlugu immikkut ittumik iliuuseqarnissamut inerteqquteqarsinjaavoq peqqussuteqarsinjaallunilu.

Imm. 2. Imm. 1 aamma imm. 4 naapertorlugit iliuuserisassat imarisinjaavaat:

1) Uumasuutigisanut piniagassanullu tunngatillugit:

- a) Immikkut misissuinerit,
 - b) nakkutilliinerit,
 - c) nalunaaqutsersuinerit,
 - d) nakorsaanerit,
 - e) akiuussutissalersuinerit,
 - f) immikkoortitsilluni mattussinerit,
 - g) uumasumik tunniussinissamut immikkut piumasaqaatit,
 - h) uumasunik toqtsineq, tassunga ilanngullugit tuniluuffiusup eqqaani toqtsineq imaluunniit immikkut ittunik piumasaqaatitaqartumik toqoraaneq, aamma
 - i) suujunnaarsitsineq.
- 2) Uumasunit tunisassianik kiisalu nerukkaatissanik, naggorissaatinik, kinnerinik atortunillu allanik tunillatsisimasinjaasunik:
- a) Immikkut misissuinerit,
 - b) suliarinninnerit,
 - c) nalunaaqutsersuinerit,
 - d) immikkut atuinissamut peqqussuteqarnerit,
 - e) immummik, manninnik uumasunillu tunisassianik allanik tunniussinissamut immikkut piu-masaqaatit,
 - f) tunillannartuiaaneq,
 - g) nungutitsineq,
 - h) toqqortaaqebarneq atortussajunnaartitsinerlu, aamma
 - i) suujunnaarsitsineq.
- 3) Suliffeqarfinnut inuussutissaleriffiusunut aamma uumasunik pingaarnertut tunisassiortunut tunngatillugu kiisalu uumasuutinut atorneqartussatut sanaartukkanut, illuutinut, maskiinaati-gut assartuussutigisartakkanullu tunngatillugit:
- a) Aaqqissuussinissamut ingerlatsinissamullu immikkut piumasaqaatit,
 - b) eqqiaaneq tunillannartuiaanerlu
 - c) akuersissummik utertitsineq,
 - d) assiaquusersuineq, aamma

e) imermik kuutsitsinissamut aamma aalajangersimasumut kuutsitsinissamut inerteqquteqarneq.

Imm. 3. Peqqussut inerteqqulluunniit malinneqanngippat Uumasunut Nakorsaqnarnermut Inuussutissalerinermullu Oqartussaqarfik nioqqtissanik peqqussuteqarfingineqarsimasunik imaluunniit inerteqqutigineqarsimasunik suujunnaarsitseqqusisinnavaoq, aamma uumasut napparsimasut akiuussutissamik kapineqarnissaannik toqunneqarnissaannilluunniit peqqusuteqarsinnaalluni. Suujunnaartitsineq, akiuussutissamik kapisineq toqtsinerlu suliffeqarfim-mut piginnittumullu taarsiissutitaqanngitsumik akiligassanngortinneqassaaq."

Imm. 4. Naalakkersuisut uumasut nappaataasa inunnut tunillaassorsinnaasut taakkulu akuisa siaruaassinnaasut killilersimaarneqarnissaat imaluunniit siaruatsaaliorneqarnissaat anguniarlugu immikkut ittumik iliuuseqarnissaq pillugu inerteqquteqarnissamut peqqussuteqarnissamul-lu malittarisassaliorsinnaapput."

§ 12-imut

4. § 12, imm. 1, nr. 1 ima oqaasertalerneqassaaq:

"1) § 9, imm. 1 naapertorlugu aalajangiussanik malinninngitsoq, imaluunniit"

§ 15-imut

5. § 15 ima oqaasertalerneqassaaq:

"**§ 15.** Inatsisartut inatsisaat ulloq 1. juli 2016 atuutilerpoq."

Allannguutissatut siunnersuummut nassuiaatit

Nalinginnaasumik oqaaseqaatit

Allannguutissatut siunnersuut saqqummiunneqarpoq Aalisarnermut, Piniarnermut Nunaleri-
nermullu Ataatsimiititaliap isumaliutissiissutaa tunngavigalugu, aamma inerteqquteqarnissa-
mut peqqussuteqarnissamullu erseqqissumik inatsisitigut tunngaveqartarnissamik politimeste-
rip kissaateqarnera malinniarlugu. Taamatuttaaq allannguutissatut siunnersuut saqqummiun-
neqarpoq § 3, imm. 2 naapertorlugu avataaneersunut piginnaatitsissut pillugu aalajangersak-
kamut Inuussutissalerinermut Aqtsisoqarfiup akerliissuteqarnera tunngavigalugu, allannguu-
tissatut siunnersuummi pineqartoq saqqummiunneqareerluni siunnersuutip aappassaanik su-
liarineqarnissaanut akuerisassanngortinneqarsimavoq. Naalakkersuisut aalajangerput avataa-
neersunut piginnaatitsissut pillugu aalajangersagaq peerneqassasoq.

Allannguutissatut siunnersuummi avataaneersunut piginnaatitsissut § 3, imm. 2-miittoq pillu-
gu aalajangersagaq saqqummiunneqareerluni aappassaanik suliarinninnissamut akuerisassan-
ngortinneqarsimasoq allannguutissatut siunnersuut manna aqqutigalugu atorunnaarsinneqar-
poq. Aamma allannguutissatut siunnersuut manna peqqussuteqarnissamut inerteqquteqarnis-
samullu Naalakkersuisut erseqqissunik malittarisassaliortarnissaannut inatsisitigut tunngavis-
sanik imaqarpoq. Politimesterip oqaatigaa § 9, imm. 1 siunnersuutigineqartutut isikkoqartillu-
gu isumagineqarsinnaassasoq. Allannguutissatut siunnersuummi matumanit malittarisassat
malillugit peqqussuteqarnissamut inerteqquteqarnissamullu malittarisassat aalajangersarne-
qarpata politimesteri tusarniaaffigineqassaaq. Siunissamit nalunaarutaajumaartussat il. il.
siunnersuummi inatsisitigut tunngaveqartinneqartussat susasaqartunut tusarniaassutigineqar-
tassapput.

Allannguutissatut siunnersuummi aalajangersakkanut ataasiakkaanut nassuiaatit

Nr. 1-imut

Allannguutissatut siunnersuummi avataaneersunut piginnaatitsissut § 3, imm. 2-mi aalaja-
ngersarneqartoq aappassaaneerlugu suliarineqartussaagluuaq atorunnaarsinneqarpoq.
Allannguinerup nassataanik imm. 3 imm. 2-nngortinneqarpoq aamma imm. 4 imm. 3-nngor-
tinneqarluni, taamaattoq aalajangersakkat imarisaat allanngortinneqanngillat.

Nr. 2-mut

Aalajangersakkami allannguineq taamaallaat inatsisiliornermi teknikkimut tunngassuteqarpoq
atortutigullu allannguutinik imaqarani.

Nr. 3-mut

Imm. 1-imut

Aalajangersakkatigut Uumasunut Nakorsaqarnermut Inuussutissalerinermullu Oqartussat inatsisitigut tunngavissinneqarput uumasut nappaataasa inunnut tunillaassorsinnaasut taakkulu akuisa siaruaassinnaasut killilersimaarneqarnissaat imaluunniit siaruatsaaliorneqarnissaat anguniarlugu immikkut ittumik iliuuseqarnissamut inerteqquteqarnissaq peqqussuteqarnissarlu pillugit aalajangiinissamut. Inerteqquteqarneq peqqussuteqarnerluunniit ingerlatsinermut tunngassuteqarmata Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8, 13. juni 1994-imeersumi malittarisassat atorneqassapput, tassunga ilangnunglugu §§ 19-20-mi susassaqartunik tusarniaanissamut tunngatillugu malittarisassat.

Aalajangiinerit ataasiakkaat imaat nalilersoneqartassapput, aamma aalajangiinerit inatsisinut naapertuuttut § 9, imm. 4 naapertorlugu ingerlatsinermi inatsisitigut maleruaqqusat malittarisassallu aalajangersarneqarsimasut tunngavigivaat. Taamaammat missingiinissamut killeqarpooq aamma nalilersuinermi piumasaqaatit, soorlu piviusorsiortuunissamut piumasaqaatit aamma assigiisitsinissamut tunngaviusut malinnejqassapput. Aalajangersagassatut siunnersuutip malitsigisaanik aalajangiinerup inatsisinut naapertuuttuunissaanut piumasaqaataavoq uumasut nappaataasa inunnut tunillaassorsinnaasut taakkulu akuisa siaruaassinnaasut killilersimaarneqarnissaat imaluunniit siaruatsaaliorneqarnissaat anguniarlugu inerteqquteqartarnissaat imaluunniit peqqussuteqartarnissaq. § 9, imm. 4-mi Naalakkersuisut inerteqquteqarnissamut peqqussuteqarnissamullu erseqqinnerusumik malittarisassaliorsinnaanerat inatsisitigut tunngavisinneqarpoq.

Imm. 2-mut

Aalajangersakkap imarai uumasut nappaataasa inunnut tunillaassorsinnaasut taakkulu akuisa siaruaassinnaanerisa killilersimaarneqarnissaat siunertalarlugu iliuusissatut atorneqarsinnaasut allattorsimaffiat. Allattorsimaffik tamakkiisuunngilaq. Uumasunut uumasunillu tunisassianut, nerukkaatissanut, kinnernut naggorissaatinullu kiisalu illuutinut tunngatillugit iliuusissat uumasunut napparsimasunut uumasunullu napparsimanngitsunut tunngatillugit atorneqarsinnaapput. Uumasuuteqarnermi iliuuserisassat ilaatigut tassaasinnaapput uumasuutit nappaatinik tunillaassuisut immikkoortinnejqarnissaat, qanoq uumasuuteqartiginissamut piumasaqaatit, uumasunik ilanngussinissamut immikkut piumasaqaatit, assersuutigalugu napparsimasut napparsimanngitsullu immikkoortilluinnarneqarnissaat, immikkut aaqqissuussinissamut piumasaqaatit aamma uumasunik, immunnik, manninnik tunisassianillu allanik aallernermet atatillugu periuseqarnissamut piumasaqaatit.

Imm. 3-mut

Immikkoortoq allannguuutissatut siunnersuummut siunnersuutip aappassaanik suliarineqarneranut atatillugu saqqummiunneqartumut assinguvoq, inatsisiilornermilu teknikkit pissutigalugit ilannguteqqinnejqarluni. Atortutigut allannguisoqannngilaq.

Imm. 4-mut

Aalajangersagassatut siunnersuutitigut uumasut nappaataasa inunnut tunillaassorsinnaasut taakkulu akuisa siaruaassisinnaasut killilersimaarneqarnissaat imaluunniit siaruatsaaliorneqarnissaat anguniarlugu immikkut ittumik iliuuseqarnissaq pillugu inerteqqu-teqarnissamut peqqussuteqarnissamullu Naalakkersuisut erseqqinnerusumik malittarisassaliorsinnaanerannut inatsisitigut tunngavissinneqarput. Inatsisitigut tunngavissaq ilanngunne-qarpoq erseqqinnerusumik aaqqiissuteqartarnissaq aalajangersaaffiginiarlugu.

Nr. 4-mut

Aalajangersagassatut siunnersuummi erseqqissaaffigineqarpoq § 12, imm. 1 nr. 1 Uumasunut Nakorsaqnarnermut Inuussutissalerinermullu Oqartussat § 9, imm. 1 naapertorlugu aalajangiifigisaannut tunngassuteqartoq.

Nr. 5-imut

Allannguinerup nassataanik inatsit ulloq 1. juli 2016 atuutilissaaq. Inatsisissatut siunnersuutip pingajussaanik suliarineqarnissaat kinguartinneqarnera tunngavigalugu allannguisoqarpoq.